

ւոյն Բեթղեհէմի, եւ կամէին սկիզբն առնել շինութեան անդ, նաեւ 'ի Տաճարին Ս. Յարութեան, զորոյ հրամանն ունէին 'ի ձեռին, և կատարել զթերի մնացեալ սպասս եկեղեցւոյն Համբարձման. բայց Յոյնք յամենայնի հակառակ կացեալ ոչ տային թոյլ մերձենալ 'ի նոյն տեղիս. որսացեալ էին նաեւ 'ի կողմն իւրեանց զԴատաւորն եւ զմասնս յայլազգեաց Երուսաղէմի: Յայսպիսի պարագայս պաշարեցան Հայք 'ի տարակուսանս յամենայն կողմանց, եւ ոչ կարէին գտանել զԷլս հնարից, զի Լատինք ստիպէին քակել զշինուածս Համբարձման, և Յոյնք ընդդէմ զինէին Արքունի հրովարտակաց, յոյր սակս հարկ եղեւ Պօղոս Եպիսկոպոսի առաքել զԴաւիթ վարդապետ յԱղէքսանդրիա կարեւոր գրեամբք առ Պօղոս Պէյ Եռասուֆեան, զի թերեւս մարթասցի հնարս գտանել և բառնալ զհակառակութիւնս երկուց ազգաց:

Սակայն չեւ եւս մեկնեալ Դաւիթ վարդապետի 'ի Յուպէ Գաղաքէ՝ լուաւ անդ 'ի Տեսչէ Լատինաց և յայլոց զբանալ փակեալ դրան Լատինաց 'ի Բեթղեհէմ, յորմէ զանգիտէր գնալ յԵգիպտոս, զի գուցէ կրեցից ասէ՝ անարդանս և պարսաւանս 'ի Բդեշխէն և 'ի Պօղոս Պէյէն, այլ 'ի քաջալերելն զնա Պօղոս Եպիսկոպոսի, կալաւ զճանապարհ իւր:

Իսկ Գեսպանն Գաղղիոյ 'ի Կոստանդինուպօլիս անգաղար թախանձէր զԴուռն վասն բացման դրան այնորիկ, որպէս թէ՛ նեղութիւն մեծ լինէր Եւրոպական ուխտաւորաց եւ կղերաց նոցին, և Տէրութիւնն ունէր յայնժամ բարեկամութիւն ընդ Գաղղիացիս, և բարկացեալ իսկ էր 'ի վերայ Հայոց 'ի սկզբանէ անտի, զի առանց հրամանի նորին, միայն Հէօճճէթի շէրիով փակեցին զայն, որոյ վասն ետ հրաման բանալ զայն, չհայեցեալ յինչ և իցէ պատճառս և 'ի վնասս: Եւ ըստ այնմ գրեաց և Փոխարքայն Եգիպտոսի Մէհէմէտ Ալի առ Դատաւորս Երուսաղէմի՝ ընդ նմին առաքելով և զպատճէն հրամանագրոյն Արքայի: Յետ այնորիկ Գաղաքապետն, Դատաւորն և Գլխաւորք այլազգեաց, եւ Լատինք, եւ 'ի Հայոց Պօղոս Եպիսկոպոս և այլք, գնացին 'ի Բեթղեհէմ, և քակեալ բացին զփակեալ դուռն զայն և շինեալ ետուն զբանալի նորին 'ի ձեռս Լատինաց, և սահ-